

Siunnersummut nassuaatit**Nassuaatit nalinginnaasut****1. Aallaqqasiut**

Nunami inuussutissarsiuutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, 3. december 2012-imeersumi siunertaavoq Kalaallit Nunaanni inuussutissarsiortuni inerisaanerup tamatumunnga tapersiissuteqartarnikkut nukittorsarneqarnissaa. Tapersiisarneq taanna maannamut aningaasaqarnerinnakkut ingerlanneqarpoq. Siunnersummi Naalakkersuisut aallarnisaasunik ineriertortitsinermik ingerlataqarnernut tapersiisarnissaat ajornarunnaarsinneqassaaq, tassani aallarnisaasut piffissap qaammatit 24-it tikillugit sivisussuseqartup ingerlanerani, aallarnisaanerup immikkoortuanut atatillugu, siunnersorneqarsinnaassallutik isumasioqatigineqarsinnaassallutillu.

Siunnersummi inatsimmut siunertaaqqaartoq, aalajangersakkanik sinaakkutissiisunik aamma aalajangersakkanik aalajangersimasunik ataqtigiissitsiviusoq, inuiaqtigiinni ineriertortuartuni inuussutissarsiornerup siuarsarneqarnissaanut pisariaqartitsinerusinnaasut malillugit naleqqussaasoqarsinnaanissaanik allannguiteqartitsisoqarsinnaanissaanillu periarfissiisoq, inerisaqqinnejarpoq.

2. Siunnersummi immikkoortut pingaarcerit

Inatsisip ullumikkut oqaasertaligaanerani, suliffeqarfiiit aallarnisarnerannut atatillugu aningaasaqarnikkut tapersiinissamut periarfissaqarpoq, taaneqartartut kittaartagaq, kiisalu ilaatigut suliffeqarfimmik pilersitsiniissamut allilerinissamullu tunisassianik ineriertortitsineq. Inatsimmi aamma suliassaqarfinnut imaluunniit suliffeqarfinnut immikkuullarissunut aningaasanik ataatsimoortunik immikkoortitsinissaq periarfissaqartinnejarpoq. Tapersiisarnermut aaqqissuussat taakkua inuussutissarsiornerup ineriertortinneqarnissaanut suli aalajangiisuulluinnartumik pingaaruteqarput, aammalu siunnersummi aaqqissuussanut taakkununnga inatsisitigut tunngavissat sunnerneqanggillat. Taamaattoq misilitakkat takutippaat aallarnisaasut aamma aallarnisarnerup immikkoortuani siunnersorneqarnissamik isumasioqateqarnissamillu pisariaqartitsisinnaasartut.

Siunnersummi Naalakkersuisut aallarnisaasunik ineriertortitsinermik ingerlataqarnermut tapersiinissaat ajornarunnaarsinneqarpoq, tassani aallarnisaasut aallartisarnerup nalaani piffissami qaammatit 24-it tikillugit siunnersorneqarlutik isumasioqateqarlutillu ikiorneqarsinnaallutik. Ingerlatat taakkua ingerlaneranni peqataasut assersuutigalugu

tuniniaanissamik nittarsaassinertermi inatsisini aamma naatsorsuuserinermi il.il. atuartinneqarsinnaapput. Tamatuma saniatigut aallarnisaasunik ineriertortitsinermik ingerlataqarnermi peqataasut, aallarnisaasunik allanik assingusumik inissisimasunik, isumasioqateqarnissamut periarfissaqassapput. Siunertaavoq aallarnisaasut aallarterlaatut kukkunernik nalinginnaasunik aqqusaagaqannginnissaaq. Aamma siunertaavoq suliffeqarfifit aallarterlaat iluatsitsisarnerisa pitsangorsarneqarnissaat aammalu aallarnisaasut akornanni attaveqaqatigiissitsinissaq, taamaalilluni imminnut ikioqatigiinnissamut isumasioqatigiinnissamullu periarfissaqassallutik. Aallarnisaasunik ineriertortitsinermik ingerlataqarnerup nalaani suliniummi malunnaatilimmik siuariartortoqarnissaa aalajangiisuulluinnartumik pingaaruteqarpoq.

Aallarnisaasunik ineriertortitsinermik ingerlataqarnermut atatillugu pikkorissaanerup nalaani angalanissamut unnuinissamullu aningaasanik immikkoortitsisoqassaaq. Aallarnisaasut aallarnisaasunik ineriertortitsinermik ingerlataqarnermi peqataasut, piffissami qaammatit 24-it tikillugit sivisussusilimmi aguaqatigiissillugu pikkorissaanerni 4-ini peqataassapput.

2.1 Island-imit aamma Israel-imit misilittakkat

Aallarnisaasunik ineriertortitsinissamut aaqqissuussineq nunani assersuutigalugu Israel-imi aamma Island-imi annertuumik iluatsittumik atorneqarpoq. Aallarnisaasunik ineriertortitsinermut aaqqissuussinermi tunngaviusumik eqqarsaataasoq tassaavoq taaneqartartoq "market-failure" iluarsiivigineqarnissaata kissaatigineqarnera, tassani ingerlatsinermut isumassarsianut annaasaqaataasinnaasunut kisinnili iluaqutaasorujussuusinnaasunut annaasaqaataasinnaasumik aningaasassaqarneq annikitsuonnaalluni. Tunngaviusoq tassaavoq nutaaliornerup ungasissumut inuiaqatigiinnut sunniuteqarsinnaanissaata niuerfimmi naleqanngippallaartutut isigineqarnera. Island-imi naalakkersuisut tungaannit atotorissaarutinik atugassiisoqarsimavoq, tassani aallarnisaasut suliffeqarfimmik inerisaanissamik aammalu isumasioqateqarnissamik periarfissaqartinneqarlutik.

Israel-imi qinnuteqartut pisortanit nalilersorneqartarput, aammalu suliniutit pimoorussinerpaat kisimik, periarfissaqarfiusutut nalilerneqartut, aallarnisaasunik ineriertortitsinissamut ingerlaqqitsinneqartarlutik. Aallarnisaasunik ineriertortitsineq 100 procentimik namminersortunit aningaasalersorneqarpoq, aammalu nalilersuineq ingerlanneqareeraagat pisortat ingerlatami peqataajunnaartarput.

Aallarnisasasunik ineriertortitsinissamut aaqqissuussineq ukiuni marlunni ingerlanneqartarpoq, aammalu ingerlaqqinnissaq isumaqarnersoq takuniarlugu ukioq affakkaarlugu suliniut misissorneqartarluni.

Aallarnisasasunik ineriertortitsinissamut aaqqissuussinernit taakkunannga misilitakkat takutippaat aallarnisasasunik ineriertortitsinissamut aaqqissuussinerup iluatsitsiviulluarnissaanut makkua naammassineqartariaqartut:

- Suliniutit ataasiakkaat passunneqassapput, paaqquarineqassapput aammalu pitsaassuseqartumik unammilligassaqassallutik – tassa imaappoq suliniut aallarnisaasumik ineriertortitsisumi qanimut inissinneqassaaq, tassani sulisut pikorissut ulluinnarni suliniummik malinnaasinnaassallutik.
- Suliniutit ataasiakkaat nutaaliortut akornanni naammattunik ”isornartorsiusussaqarfiusumi” ineriertortinneqassapput.
- Suliniutinut aningaasalersuinermut ilusiliineq suliniutip ineriertortinneqarnissaanut aporfiussangilaq.
- Suliniut niuernermik tunngaveqartumik piujuartinneqarsinnaassaaq.

Suliniut iluatsitsiviulluartoq paasinarsippat, aallarnisaasumik ineriertortitsisup ingerlaavartumik iluanaaruteqarnertut ittumik utertitsissaaq.

Aallarnisaasumik ineriertortitsisoq nutaaliortup aamma aallarnisaasumik ineriertortitsisup akornanni imminnut isumaqatigiissuteqarfiginermikkut ingerlatseqatigiifimmi peqataajunnaarsillugu akilerneqassaaq, kisianni pingarnertut maleruagassaassalluni piginnittuuginnarnissaq.

2.2 Kalaallit Nunaanni aallarnissaasunik ineriertortitsinermik ingerlataqarneq
Israel-imi imaluunniit Island-imi aaqqissuussineq assiliinnarneqarsinnaanngilaq, kisiannili paarlattuanik aaqqissuussineq Kalaallit Nunaannut pissutsinut naleqqussarneqarsinnaavoq aammalu aallarnisaasunik ineriertortitsinermik ingerlataqarnermk pisortanit maleruagassiivigineqartumik pilersitsisoqarsinnaalluni.

Sumiiffissaq aalajangersimasoq, aallarnissaasunik ineriertortitsinermut illumik taagorneqartoq, Kalaallit Nunaanni innuttaasut siammarsimasuunerat pissutigalugu ajornarpoq. Taamaattumik siunnersuummi pikorissaanerit aallarnisaasut peqataaffigisinnaasaat, kiisalu aallarnisaasunik allanik isumasioqateqarnissaq tunngavigineqarput.

Aamma sulisunik pikorissuseqartunik, ulluinnarni suliniutinik malinnaasussanik, aallarnisaasut neqeroorfiginissaat ajornarpoq, kisianni tamatumunnga taarsiullugu teknologiip nutaaliaasup internettimi ataatsimoorfissamik, aallarnisaasut ulluinnarni apeqquqtiisaannut iluaqutaasinnaasumik, pilersitsinissaq ajornarunnaarsippaa.

Inatsisisatut siunnersuut inatsimmut atuuttumut saniliullugu

<i>Oqaasertaliinerit atuuttut</i>	<i>Inatsisissatut siunnersuut</i>
	<p style="text-align: right;">§ 1</p> <p>Nunami inuussutissarsiuutinut tunngatillugu inuussutissarsiornermik siuarsaneq pillugu Inatsisartut inatsisaat nr. 20, 3. december 2012- imeersumi makkua allanngortinneqarput:</p>
	<p>1. § 1 kingorna ilangunneqassaaq: ”§ 1 a. Aallarnisaasunik ineriertortitsinermik ingerlataqarnerit piffissamut killiligaasut, tassaasut aallarnisaasunut aalajangersimasunut pikkorissaanerit aamma siunnersuineq, aammalu assersuutigalugu amerlanerusunik imaluunniit annertunerusunik inuussutissarsiornermi ingerlataqalerluni imaluunniit inuussutissarsiornermut suliffeqarfimmi sulisunut suliffissaqartitsinerulerluni inuiaqtigit aninggaasaqarnerannut iluaqtissartaqartitsilersussatut nalilerneqartut, tapersiivigineqartarnissaat siunertaralugu, aallarnisaasunik ineriertortitsinermut aaqqissuussanik aninggaasalersuinissamut aninggaasaliissutinik ataatsimoortunik pilersitsisoqarsinnaavoq.”</p> <p>2. § 5 kingorna ilangunneqassaaq: ”§ 5 a. Tapersiineq aamma aallarnisaasunik ineriertortitsinermut ingerlatanut tunniussivigineqassaaq. <i>Imm. 2.</i> Imm. 1 naapertorlugu aallarnissaasunik ineriertortitsinermut ingerlatat tassaapput pikkorissaalluni aamma siunnersuilluni ingerlataqarnerit piffissamut killiligaasut, aallarnisaasunut aallarnisarnerup immikkoortuaniittunut, aammalu aallarnisaasunut suliffeqarfiutiminni Kalaallit Nunaanni qaammatinit 12-init sivikinnerusumik nalunaarsorsimasimasunut, ikiorsiissutigineqarsinnaasut. <i>Imm. 3.</i> Aallarnisaasunik ineriertortitsinermut ingerlatanut tapersiissutit piffissamut qaammatit 24-it ikillugit sivisussusilimmut tunniunneqarsinnaapput.</p>

	<i>Imm. 4.</i> Naalakkersuisut aallarnisaasunik ineriartortitsinermut ingerlatanut aalajangersakkanik erseqqinnerusunik aalajangersaasinnaapput, ilanggullugit tapersiissutinik tunniussinissamut atugassarititaasut.”
§ 10. Neriorsuinermik aqtsineq tapiissutinillu akiliuteqarneq pillugit kommunalbestyrelsimek imaluunniit suliffeqarfimmik allaffisornermik ingerlataqartumik Naalakkersuisut isumaqatigiissusiorsinnaapput.	3. § 10, imm. 1, imatut oqaasertalerneqassaaq: ” §§ 5 aamma 5 a malillugit tapersiissutit allaffissornikkut aqunneqarnissaat pillugu kommunalbestyrelsimit imaluunniit ingerlatseqatigiiffimmut allaffisornermik suliaqartumut Naalakkersuisut isumaqatigiissuteqarsinnaapput.”
	§ 2 Inatsisartut inatsisaat ulloq xx. xxxx 2016 atuutilerpoq.

3. Pisortanut aningaasaqarnikkut allaffissornikkullu sunniutaasussat

Siunnersuut inatsisaavoq immersugassaq, ukiumoortumik aningaasanut inatsimmi konto 64.10.17-mi sinaakkusiussat iluanni aallarnisaasunik ineriartortitsinermut aaqqissuussanut aningaasaliissutinik ataatsimoortunik pilersitsinissamik periarfissiisoq. Aningaasat aningaasanut inatsimmi immikkoortinnejartut ukiumiit ukiumut nikerarsinnaapput, tassami pisariaqartitsineq malillugu aaqqissuusaq tassani pineqarmat. Aningaasartat ilaatigut aaqqissuussanit atuutereersunit tiguneqarsinnaapput, tassani ukiuni siusinnerusuni misilitakkat takutillugu aningaasartat immikkoortinnejartut pisariaqartitsinermut sanilliullugit annertualaartut.

Taamaattumik siunnersuut pisortanut allanik aningaasaqarnikkut sunniuteqassanngitsoq naliliisoqarpoq.

Aallarnisaasunik ineriartortitsisussaq aqqutigalugu tapersiinissamik neriorsuuteqarneq taamaalaat ukiumoortumik aningaasanut inatsisini aningaasaliissutaasut iluanni tunniussivigineqartassaaq.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuummi inuussutissarsiortut pitsaanerusunik atugassaqartinneqarnissaat qulakkeerneqassaaq, tassami maannakkut suliassaqarfinnut aalajangersimasunut imaluunniit suliffeqarfinnut immikkuullarissunut aallarnisarnerup nalaani siunnersorneqarnissaq tapersiivigineqarnissarlu periarfissaqalissammat. Taamaalilluni naliliisoqarpoq siunnersuut inuussutissarsiortunut aningaasaqarnikkut allaffissornikkullu pitsaasunik sunniuteqassasoq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut inuillu peqqissusaannut sunniuteqassagatinneqanngilaq.

6. Innuttaasunut sunniutaasussat

Siunnersuut innuttaasunut sunniuteqassagatinneqanngilaq.

7. Sunniutaasussat allat annertuut

Siunnersuut allanik annertuunik sunniuteqassagatinneqanngilaq.

8. Oqartussaasunik kattuffinnillu il.il. tusarniaaneq

Siunnersuut piffissami 2015-imi 4. decembarimiit 2016-imi 8. januaarimut tusarniaanermut nittartakkamiippoq.

Aammattaaq siunnersuut tusarniaaffiusunut makkununnga nassiunneqarpoq:

Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Ineqarnermut, Sanaartornermut Attaveqarnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Peqqissutsimut Naalakkersuisoqarfik, Ilaqutariinnermut, Naligiissitaanermut Isumaginninnermullu Naalakkersuisoqarfik, Ilanniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Pingortitamut, Avatangiisinut Inatsisinillu Atuutsitsinermut Naalakkersuisoqarfik, KANUKOKA, Sulisitsisut, Kalaallit Nunaanni Politit, Qeqqata Kommunia, Kommuneqarfik Sermersooq, Qaasuitsup Kommunia, Kommune Kujalleq, SIK, Grenland Business A/S aamma, Visit Greenland A/S.

Tulliuttuni tusarniaanermut akissuteqaatit aammalu allannguutissatut siunnersuutit tusarniaanerup nalaani tiguneqartut sammineqarput. Oqaatigineqassaaq tusarniaanermut akissuteqaatit uingasumik allassimasut, taamaallaat pingaaruteqarnerinik nalilinel tunngavigalugu pingarnerinnartigut issuarneqarmata.

Tusarniaanermut akissuteqaatit tamarmik tamakkiisunngorlugit Inatsisartuni ataatsimiititaliamut suliarinnittussamut ilanngullugit nassiunneqarput.

Aatsitassanut Ikummatissanullu Naalakkersuisoqarfik allappoq "suliffeqarfinnut aallarterlaanut tunngatillugu, aallarnisaasut siunnerfilimmik siunnersorneqarsinnaallutik isumasioqateqartinneqarsinnaallutillu, aallarnisaasunik ineriartortitsinermik ingerlataqarneq, Aatsitassanut Ikummatissanullu Naalakkersuisoqarfimmut tunngatillugu isumassarsiatut isumatusaartorujussuartut, isikkoqarpoq"

QaaSuitsup Kommuniata tusarniaaneq Inuussutissarsiornermut, Aatsitassanut Takornariartitsisarnermullu Ataatsimiititaliami suliaraa, aammalu oqaatigissallugu ataatsimiititaliap siunnersuut taperserniarlugu aalajangertoq.

Ilaqtariinnermut, Naligiissitaanermut Isumaginninnermullu Naalakkersuisoqarfik siunnersuumut oqaaseqaatissaqanngilaq.

Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik makkuninnga oqaaseqaatissaqarpoq ”*inuussutissarsiuutinik siuarsaanermi neqeroorutinut siunnersuummi pineqartunut tunngatillugu suut naatsorsuutigineqarnersut iluaqutaasumik allanneqarsinnaagaluarput, ilanngullugu suliffeqarfiiit il.il. aaqqissuussamik atuisussatut ilimagineqartut amerlassusaannut tunngatillugu*”

Inuussutissarsiuutinik siuarsaanermut aaqqissuussanit misilitakkat takutippaat 2014-imi aallarnisaasunut kittaartakkat 49-it tunniunneqarsimasut aammalu 2015-imi aallarnisaasunut kittaartakkat 33-it tunniunneqarlutik. Kittaartakkat aallarnisaasunut qaammatit 12-it inorlugit GER-imi nalunaarsorsimasunut tunngatinneqarput, taamaalillunilu siunnersuut malillugu aallarnisaasunik ineriertortitsinissamut aaqqissuussamituulli siunnerfigineqartut taakkuullutik. Naalakkersuisut naatsorsuutigaat taamatut amerlatigisut aallarnisaasunik ineriertortitsinissamut aaqqissuussamik atuinissamut soqtiginnissasut.

Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiiup aamma oqaatigaa ”*aaqqissuussa qaqugukkut piviusunngortinneqassanersoq piffissaliussamik ilanngussisoqartariaqaraluarpoq, tassami siunnersuummi piffissamik atuutsitsivilersussamik allassimasoqanngilaq*”

Oqaaseqaat tusaatissatut tiguneqarpoq aammalu siunnersuut tassunga naleqqussarneqarluni.

Sulisitsisut allapput: ”allnut atatillugu siusinnerusukkut oqaatigineqartutut, GE-p nuannaarutigalugu paasivaa, Naalakkersuisoqarfik inuussutissarsiornerup ineriertortinneqarnera siuarsarniarlugu suliniutinik aallartitsisoq tunngavissaliisorlu”

Sulisitsisut aamma allapput ” siunnersuutigineqartumut tunngatillugu, inuussutissarsiornermi aallarniisunut aallarterlaanut aallarnisaasunik ineriertortitsinissamut aaqqissuussa pillugu isumassarsiaq pitsaasorujussuovoq aammalu siunnersuummi allassimasutut Island-imi aamma Israel-imi misilerarneqareersimalluni”

Sulisitsisut taamaattoq oqaatigaat *qinnuteqartunut ataasiakkaanut tunngatillugu aallarnisaasunik ineriertortitsinissamut aaqqissuussamut tassunga kikkut allaffissornikkut aqutsisuussanersut pillugu aammalu qinnuteqartoq pikkorissarnernut sorlernut*

*neqeroorfigineqassanersoq imaluunniit aningaasartuutit allat suut aallarnissaasunik
ineriartortitsinissamut aaqqissuussaq aqqutigalugu matussuserneqassanersut kikkut
aalajangiisussaanersut pillugit paasissutissat GE-p amigaatigigai.*

Siunnersummi § 10-imi allassimavoq ”§§ 5 aamma 5 a malillugit tapersiissutit allaffissornikkut aqunneqarnissaat pillugu kommunalbestyrelsimit imaluunniit ingerlatseqatigiiffimmut allaffisornermik suliaqartumut Naalakkersuisut isumaqatigiissuteqarsinnaapput”. Tamanna § 10-imut atuuttumut tapiliussaavoq, tassani allassimalluni ”Neriorsuinerterik aqutsineq tapiissutinillu akiliuteqarneq pillugit kommunalbestyrelsimit imaluunniit suliffeqarfimmik allaffisornermik ingerlataqartumik Naalakkersuisut isumaqatigiissusiorssinnaapput”.

§ 10, imm. 1 siunnersuutigineqartoq taamaalilluni Naalakkersuisut kommunalbestyrelsimit imaluunniit ingerlatseqatigiiffimmut allaffissornikkut suliaqartumut siunnersummi §§ 5-imut aamma 5a-mut atatillugu pissutsinik tamaginnik aqutsinissaq pillugu isumaqatigiissuteqarsinnaanissaannut periarfissiivoq, tassanilu ilaapput pikkorissaarnerit suut neqeroorutigineqassanersoq aammalu aningaasartuutit suut inatsisip iluani matussuserneqartassanersut.

Siunnersuut inatsisaavoq immersugassaq, taamaattumik aallarnissaasunik ineriartortitsinissamut aaqqissuussaq nalunaarutini aalajangersakkani itisiliivigineqarsinnaalluni.

Sulisitsisut makkununnga paasissutissat maqaasivaat *assartuussinermut aningaasartuutit saniatigut aningaasartuutiviusut allat matussuserneqarsinnaanersut? Kalaallit Nunaanni aningaasartuutiviusut kisimik aaqqissuussamit matussuserneqarsinnaanersut, imaluunniit aamma assersuutigalugu Danmarkimi aningaasartuutit, pikkorissaarnerit namminersortuniippata imaluunniit pisortaniippata matussuserneqarsinnaanersut?*

Inatsisip atuuffissaanni § 3-imi allassimavoq ”Aallaavittut inuussutissarsiornermi ingerlutanut Kalaallit Nunaanni isumagineqartunut taamaallaat tapiissuteqartoqarsinnaavoq. Taamaattorli pikkorissarernut imaluunniit atortussanik pisiortorernut Kalaallit Nunaanni neqeroorutaasinnaanngitsunut tapiissuteqartoqarsinnaalluni.” Aalajangersagaq taanna suli atuuppoq aammalu aalajangersakkanut nutaanut aamma atuulluni.

Siunnersummi pikkorissaarnerit ilai Kalaallit Nunaanni neqeroorutigineqanngippata, Danmarkimi ingerlanneqarsinnaaneri mattunneqanngilaq. Assartuussinermut aningaasartuutit matussuserneqarsinnaanerat siunnersummi mattunneqanngilaq. siunnersummi § 5a imm. 4-imi allassimavoq ”Naalakkersuisut aallarnissaasunik ineriartortitsinermut ingerlutanut aalajangersakkanik erseqqinnerusunik aalajangersaasinnaapput, ilanggullugit tapersiissutinik tunniussinissamut atugassarititaasut”

aammalu tassunga nassuaatini allassimavoq, ineriartortitsinermik ingerlataqarnermi ataatsimi pikkorissaarnerit qassiussanersut, aammalu ineriartortitsinermik ingerlataqarnerit qanoq aaqqissuunneqassanersut Naalakkersuisut ilaatigut aalajangersakkanik erseqqinnerusunik aalajangersaasinnaasut. Malugiuk allattuiffik taanna tamakkiisuunngimmat.

Sulisitsisut aammattaaq oqaatigaat *siunnersummut nassuaatini allassimasoq, aaqqissuussami peqataasut aallarnisaasunik allanik isumasioqateqartarnissaat periarfissiissutigineqartoq*. Sulisitsisut apeqqutigaat, *ullumikkut periarfissaasunut naleeqqiullugu isumasioqatigiinnermut taamaattumut periarfissanik allanik siunnersuut qanoq ammaassinersoq?*

Ullumikkut aallarnisaasunik inuussutissarsiornermillu ingerlatsisunik allanik isumasioqateqarnissaq soorunami periarfissaavoq, kisianni tamatumunnga ataqatigiissaakkamik periaatsimik ullumikkut soqanngilaq. Imminut ungasissorujussuunerup aallarnisaasut suliffeqarfutimik sumiiffiata eqqaaniittunik isumasioqatissarsinissaat ajornakusoortissinnaavaa. Ataatsimoorfissamik aallarnisaasut tamarmik allanik attaveqarnissamut aammalu isumassarsiornissamut misilittakkani illu immersoqatigiinnissamut periarfissaqarfigisaannik, ullumikkut soqanngilaq. Aaqqissuussanik taamaattunik nunanit allanit misilittakkat takutippaat, isumasioqateqarneq taamaattoq aalajangiisuulluinnartartoq, taamaattumillu siunnersummi taassuma ilaatinneqarnissaa aamma aallunneqarsimavoq.

Greenland Business A/S allappoq ”*Greenland Business A/S-ip inatsisit taamaattut qujarukkai aammalu aallarnisaasunik tapersiinissamut eqaannerusumik aallaaveqarneq nunatsinnut iluaqutaassasoq isumaqarluni” aammalu ”Greenland Business isumaqartoq taamatut inissisimasut amerlanersaannut, ilinniagaqarnissaat sungiusarnissaallu, aningaasaqarnikkut tapiiffigineqarnissamit, naleequnnerusoq.*”

Greenland Business A/S-ip kaammattuutigaa *naalakkersuisoqarfik aallarnisaasunik ineriartortitsinermut aaqqissuussaqtunik imaqartariaqarnersoq Greenland Business-imut oqaloqateqarnermi peqataaginnassasoq.*

Naalakkersuisut Greenland Business allallu soqutiginnittut tamanna pillugu aalajangersakkanik suliaqarnermut atatillugu aallarnisaasunik ineriartortitsinermut aaqqissuussap imarisassai pillugit oqaloqatigissamaarpai.

Greenland Business A/S-ip aamma oqaatigaa § 1 *allanngortinneqartariaqaraluarpooq, taamaalilluni ”pikkorissaanerit siunnersuinerillu” imaaalerlugit ”pikkorissaanerit, isumasioqatigiinnerit, workshops, oqalugiarnerit, ilinniartitaaneq, najoqqutassat, siunnersuineq il.il.”*

Siunnersuummi atorneqarput ”pikkorissaanerit siunnersuinerillu” pissutigalugu oqaatsit taakkua imartuujummata oqaatsit Greenland Business-ip tusarniaanermut akissuteqaammini siunnersuutigisai, imaralugit.

Greenland Business A/S-ip aamma oqaatigaa § 2 *allangortinneqartariaqaraluarpooq, taamaalilluni 'taksameter'-inut tapiissutinik aallarnisaasunut qinnuteqaataat tunngavigalugu tunniussinissamut aammalu aallarnisaasunik ineriartortitsinermut aaqqissuussamik taakkualu ilaannik neqerooruteqartartunut tapiissutinik tunniussinissamut periarfissaqalissalluni. Taxameterinut aaqqissuussaq, aallarnisaasup nammineerluni aallarnisaasunik ineriartortitsinermut aaqqiissutissamik (immaqa suliffeqarfimmit namminersortumit neqeroorutigineqartoq) toqqasinnaaneranut tunngassuteqassaaq.*

Siunnersuummi aallarnisaasunik ineriartortitsinermut aaqqissuussaq aningaasanut inatsimmi aningaasalersorneqartut inatsisitigut tunngavissaqalersinnejarpooq. Inatsimmi § 3-imi allassimavooq ”Aallaavittut inuussutissarsiornermi ingerlatanut Kalaallit Nunaanni isumagineqartunut taamaallaat tapiissuteqartoqarsinnaavoq. Taamaattorli pikkorissarnernut imaluunniit atortussanik pisiorternut Kalaallit Nunaanni neqeroorutaasinnaanngitsunut tapiissuteqartoqarsinnaalluni.”

Ullumikkut suliffeqarfinnik namminersortunik Kalaallit Nunaanni aallarnisaasunik ineriartortitsinermik ingerlataqarnissamik neqerooruteqartartunik soqanngilaq, taamaattumillu taksameterimut aaqqissuussamik ulluinnarni piviusunngortitsiniarneq ajornakusoortussaavoq. Qinnuteqartoq pikkorissarnerit pisariaqartut ingerlanniarlugit Danmarkimut imaluunniit nunanut allanu aallartariaqartartussaavoq.

Greenland Business A/S-ip oqaatigaa ”*Aallarnisaasunik ineriartortitsinissamik aaqqissuussinermik neqerooruteqarsinnaanissaq [...] Greenland Business-imut kiffartuussinissamut isumaqatigiissummi aamma malittarisassaanni killissaliussat iluanniippoq. Aallarnisaasunik ineriartortitsinermik neqerooruteqarsinnaalernissatsinnut pisinnaasaqarneq aningaasalersuinerlu kisimik apeqqutaapput. Taamaaqataanik kiffartuunneqarnissamut isumaqatigiissummi ingerlatsinermut aningaasassat iluarsineqanngippata Greenland Business aallarnisaasunik ineriartortitsinermik neqerooruteqarsinnaanngilaq.*”

KANUKOKA siunnersuummut oqaaseqaatissaqarsimanngilaq.

SIK siunnersuummut oqaaseqaatissaqarsimanngilaq.

Qeqqata Kommunia siunnersuummut oqaaseqaatissaqarsimanngilaq.

Kommuneqarfik Sermersuup ”*Naalakkersuisut inatsimmik allanguuteqartitsinermi matumani aallarnisaasunut ineriartornissamut atugassarititaasunik pitsangorsaaniarnerat aammalu aningaasaqarnikkut naalagaaffimmit tapersiinissamut taarsiullugu siunnersuinermik annertunerusumik tunngaveqartumik sivisunerusumik aallarnisaasunik*

ineriartortitsinermik ingerlataqarnissamut, periarfissamik pilersitsiniarnerat, neriulluarnartutut isigaa.”

Kommuneqarfik Sermersuup ”*suliniutip aningaasaliissutit siuariartortitsinermut atugassat atuutereersut aqqutigalugit aningaasalersorneqarnissaata pilersaarutaanera, ajuusaarnartuutippaa. Kiisalu Kommuneqarfik Sermersuup ilisimasai malillugit, suliniutit taakkua piffissami qaninnerusumi tamakkiisumik naliliisoqanngitsorlu, suliniutinik pioreersunik taamatut pingaarnersiusoqarmat ajuusaarnartinneqarpoq.*”

Ukiut tamaasa inuussutissarsiorneri siuarsaanerni ingerlasuni atuinerup killiffia Greenland Business A/S-ip Naalakkersuisunut nalunaarutigisarpaa. Tassanngaaniit misilitakkat takutippaat, aningaasat aningaasanut inatsimmi immikkoortinnejartut tamakkiisumik atorneqartanngitsut. Aningaasat inuussutissasiornerup siuarsarnaqarneranut immikkoortinnejartut taakkununngat atorneqartassasut, aammalu taakkua sapinngisamik pitsaanerpaamik atorneqartassasut Naalakkersuisut kissaatigaat. Misilitakkat takutippaat aallarnisaasut aamma suliffeqarfait aallarterlaat immikkut siunnersorneqarnissamik pisariaqartitsisinnaasut. Taamaalillutik ilaatigut sinneqartoorutit suliniutinit pioreersunit sinneqartoorutaasutut paasinarsisut, aallarnisaasunik ineriertortitsinerup ingerlanneqarnissaasa aallartinnissaanut atornissaat Naalakkersuisut kissaatigaat.

Kommuneqarfik Sermersuup oqaatigaa *Kalaallit Nunaanni aningaasaqarnerup maannakkut assigiinngisitaartinneqannginnerata kingunerisaanik aallarnisaasut amerlasuut tassaanngitsut ”first movers” taamaattumillu kalaallit aallarnisaasut allat misilittagaasa atorluarneqarnissaat ajornakusoortoq.*

Kommuneqarfik Sermesuup tamanna tunngavigalugu siunnersuutigaa, inatsisissatut siunnersuummi aalajangersakkamik suliffeqarfinnik nunanit allaneersunik ingerlalluareersunik isumasioqateqarnissamut taperserneqarnissamik qinnuteqarnissamik ajornarunnaarsitsisumik, ilangngussisoqassasoq.

Siunnersuut inatsisaavoq immersugassaq, tassani aalajangersarneqarpoq aallarnisaasunik ineriertortitsinermik ingerlataqarneq, aallarnisaasunut suliffeqarfinnullu aallarnisarnerup nalaani pikkorissaanertaqtumik siunnersuinertaqtumillu, piffissami killiligaasumi ingerlataqtarnissaq. Pikkorissaanerit siunnersuinerillu taakkua suliffeqarfinnit nunani allani ingerlallualereersimasuneersinnaanerat siunnersuummi mattunneqanngilaq.

Eqqorpoq ullumikkut aallarnisaasut amerlasuut tassaasut ”first movers”, kisianni inatsisissatut siunnersuummi eqqarsaataavoq, aallarnisaasut nutaat aallartinnissaannut ikuuttussanik suliffeqarfinnik aallarnisaasunillu pisariaqartunik misilittagaqartunik ilisimasaqartunillu, pilersitsinissamut tamanna inuiaqtigiiinni kalaallini ineriertortitsinermut iluaqutaassasoq.

Kommuneqarfik Sermersuup aamma oqaatigaa inatsisip nunami sumiiffinni aggulugaasumik aningaasassaqartitsilluni atuutsinneqarnissaa isumaliutersuutigineqassasoq, taamaalillutik kommunit eqeersimaartumik inuussutissarsiornermut politikkimik ingerlatsisut aningaasat

inatsit aqqutigalugu atugassanngortinneqartut, ilaannik annikinnerusumik pissarsillutik pillarneqassanatik.

Inuussutissarsiornermik ineriertortitsinermut atatillugu kommunit suliniuteqarnerat Naalakkersuisut nuannaarutigisorujussuaat, kisianni inatsimmi aammalu siunnersuummi siunertaavoq inuussutissarsiornermik ingerlataqartut tapersorsorneqarnissaat aammalu ineriertornermik siuariartornermillu qulakkeerinissaq, kommunit taakkualu suliniutaasa tapersorsornissaat siunertarineqarani. Aaqqissuussat atuuttut naatsorsorneqarnerisa takutippaat Kommuneqarfik Sermersumi inuussutissarsiornermik ingerlataqartut 2014-imni aamma 2015-imni aaqqissuussanit amerlanerpaanik aningaasaliiffingineqarsimasut.

Kommuneqarfik Sermersup oqaatigaa *nassuaatini allassimasoq siunnersuut, aningaasanut inatsimmi konto 64.10.17-imni aningaasaliissutaasut allatut pingaarnersiuiffiginerisigut, Greenland Business A/S-imut kiffartuunneqarnissamut isumaqatigiisummut killissaliussat iluanni aningaasalersorneqassasoq.*

"Taamaattoq aaqqissuussamut atatillugu aningaasartuutit annertussusaannut naatsorsuutigineqartutut missiliusoqanngilaq aammalu aningaasartuutit taakkua akilerneqartarnerisa pingaarnersiuinermi allanngortinneqarnerata, assersuutigalugu Greenland Business-ip maannakkut ingerlataannut imaluunniit atorneqartussani allani taaneqartuni (kittaartagaq, tunisassianik ineriertortitsineq il.il.) sunniuteqarnera, tamatumunnga nangissutigalugu [nassuaasoqarani]"

Oqaaseqaatit tusaatissatut tiguneqarput aammalu siunnersuut taakkua malillugit iluarsineqarpoq.

Eqqorpoq siunnersuut aningaasanut inatsimmi konto 64.10.17-imni killissaliussat iluanni aningaasalersorneqassasoq. Aningaasanut inatsit ukiut tamaasa isumaqatiginninniutigeqqinnejartarpooq, tamannalu aaqqissuussanut eqaatsuutitsivoq.

Kommuneqarfik Sermersup aamma oqaatigaa *siunnersuummi § 5a, imm. 2-imni Kalaallit Nunaanni Inuussutissarsiortunik nalunaarsuiffik innersuussutigineqartoq – Kommuneqarfik Sermersup CVR-imut iluaqutaasumik IIN-ip atorunnaarsikkiartuaarneqarnissaa pillugu tusarniaaneq 2014-imeersoq innersuussutigaa.*

Oqaaseqaatit tusaatissatut tiguneqarput, aammalu siunnersuut taanna malillugu naleqqussarneqarluni.

Kommuneqarfik Sermersup oqaatigaa *inatsit taanna aqqutigalugu IIN-imut nalunaarsuiffimi sapinngisamik kingusinnerpaamik nalunaarsortinnissamut kajumissuseqalersitsinermik pilersitsisoqartoq.*

Siunnersuut aallarnisaasunut aamma suliffeqarfinnut aallarterlaanut tunngatinneqarpoq. Siunnersummi allassimavoq, suliffeqarfik ukioq ataaseq sinnerlugu Kalaallit Nunaanni nalunaarsorsimasimanngippat aatsaat taperserneqarnissamik qinnuteqartoqarsinnaasoq. Siunnersummi § 1 a-imi allassimavoq siunnersuut ” aallarnisaasunut aalajangersimasunut aammalu assersuutigalugu amerlanerusunik imaluunniit annertunerusunik inuussutissarsiornermi ingerlataqalerluni imaluunniit inuussutissarsiornermut suliffeqarfimmilisunut suliffissaqartitsinerulerluni inuiaqtigiit aningaasaqarnerannut iluaqutissartaqartitsilersussatut nalilerneqartunut...” tunngatinneqartoq. Tamanna isumaqarpoq qinnuteqaatit ataasiakkaat tamarmik aalajangersagaq taanna tunngavigalugu nalilersorneqartassasut. Suliffeqarfiup nalunaarsorneqarnissaa anguneqarani killiffeqarluni aallarnisaasunut ineriertitsinermik ingerlataqarnissamik suliffeqarfik akuerineqareersimappat, siunnersuut malillugu aallarnisaasunik ineriertitsinermik ingerlataqarnissamut suli allamut tapersiivigineqarnissaq ajornakusuussasoq takorloorneqarsinnaavoq.

Naalakkersuisut Siulitaasuata Naalakkersuisoqarfia siunnersuummut oqaaseqaatissaqarsimannngilaq.

Tusarniaanissamut piffissaliussap naareernerata kingorna makkunannga tusarniaanermut akissuteqaat tiguneqarpoq:

Ineqarnermut, Sanaartornermut Attaveqarnermullu Naalakkersuisoqarfik allannguutissatut siunnersuummut oqaaseqaatissaqarsimannngilaq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Aalajangersakkami aalajangersarneqarpoq Naalakkersuisut aallarnisaasunik ineriertortitsinermik ingerlataqarnissamut aningaasassanik ataatsimoortunik pilersitsisinhaasut, siunertarineqarluni assersuutigalugu amerlanerusunik imaluunniit annertunerusunik inuussutissarsiornermi ingerlataqalerluni imaluunniit inuussutissarsiornermut suliffeqarfimmi sulisunut suliffissaqartitsinerulerluni inuiaqatigiit aningaasaqarnerannut iluaquitissarsitsinissaq anguniarlugu, suliffeqarfiit aallarterlaat aammalu Kalaallit Nunaanni inuussutissarsiorntut ataatsimut isigalugit nukittorsarneqarnissaat.

Tassaniippoq aallarnisaasunik ineriertortitsinermik ingerlataqarnerit, inuiaqatigiinnut tamarmiusunut iluaqutaasusussamik inuussutissarsiornermi siuariartotitsinermut, iluaqutaassasut. Aallarnisaasunik ineriertortitsinermik ingerlataqarnerit, aallarnisaasunut aamma suliffeqarfinnut aallarterlaanut killissaliussanik pilersitsinikkut, iluaqutaassapput, tamannalu aqqutigalugu aallartisarnerup nalaani taakkununnga ikorsiissallutik aammalu siuariartotitsinermik suliffissaqartitsinermillu ilaalu ilanngullugit pilersitsinissaq ajornarunnaarsissallugit.

Nr. 2-imut

Imm. 1-imut

Aalajangersakkami allassimasoq Naalakkersuisut aallarnisaasunik ineriertortitsinermik ingerlataqarnernut tapersiisiinhaasut.

Imm. 2-imut

Naalakkersuisut taamaalillutik aallarnisaasunik ineriertortitsinermik ingerlataqarnernut, tuniniaanissamik nittarsaassinerup, inatsisit naatsorsuuserinerullu il.il. iluanni pikkorissaanernik neqerooruteqarnikkut aallarnisaasunik inerisaanissamik ikiunnissamillu siunertaqtumut, tapersiisiinhaapput pilersitsisinhaallutillu. Pikkorissaanerit aamma Naalakkersuisut tapersiissutinut aaqqissuussaannut allanut qinnuteqarnermut immersugassanik immersuinermut imaluunniit suliassaqarfimmi immikkuullarissumi suliffeqarfimmik aallarnisaanermut atatillugu piumasaqaatinut allanut ikiorneqarnissamut tunngassuteqarsinnaapput, tassanilu ilaapput uumasut nakorsaannit akuersissuteqarnerit, umiatsianut p-imut akuersissuteqarnerit il.il.

Aallarnisaasunik ineriertortitsinermik ingerlataqarnerit nalaanni aallarnisaasup tamanna pisariaqartippagu, aallarnisaasoq siunnersorneqarsinnaassaaq. Siunnersuineq elektroniskimik, oqarasuaatikkut, internettimi naapittarfinni imaluunniit ornigulluni ataatsimiinnermi pisinnaavoq.

Aallarnisaasunik ineriartortitsinermik ingerlataqarneq aalajangersagaq malillugu aallarnisaasumut aallarnisaanerup nalaaniittumut, ikorsiissutaasinnaavoq.

Siunnersuut malillugu aallarnisaasoq aallarnisaanerup nalaaniittutut isigineqarpoq aallarnisaasoq suliniummut isumassarsisimappat aammalu ingerlatsinissamut pilersaaruteqarluni, kisianni suli suliffeqarfimmik Kalaallit Nunaanni Inuussutissarsiummik Ingerlataqartunik Nalunaarsuiffimmi (IIN) suli nalunaarsuisitsisimanani.

Aammattaaq aallarnisaasup suliffeqarfiutaa Kalaallit Nunaanni inuussutissarsiornermi suliffeqarfittut qaammatit 12-it inorlugit nalunaarsorsimasimappat, aallarnisaasoq aallarnisaanerup nalaaniittutut aammalu siunnersummi pineqartunut ilaasutut isigineqarpoq.

Imm. 3-imut

Aalajangersakkami alassimavoq aallarnisaasunik ineriartortitsinermik ingerlataqarneq piffissamut killiligaasumik ingerlanneqassasoq, aammalu aallarnisaasunik ineriartortitsinermik ingerlataqarnermut tapersiissutit taamaallaat piffissamut qaammatit 24-it angullugit sivisussusilimmut tunniunneqarsinnaasut. Tamatuma kingorna suliniut aallarnisaasunik ineriartortitsinermik ingerlataqarnissami pineqartunut ilaajunnaassaaq. Aallarnisaasunik ineriartortitsinermik ingerlataqarneq assersuutigalugu ukumi ataatsimi januaarip aallaqqaataaniit ukiup tulliani 31. decembarip 31-anut ingerlanneqarsinnaavoq.

Imm. 4-imut

Naalakkersuisut aallarnisaasunik ineriartortitsinermik ingerlataqarnernut aalajangersakkanik erseqqinnerusunik aalajangersaasinnaapput. Naalakkersuisut taamaalillutik ilaatigut aalajangersaasinnaapput ingerlataqarnerup nalaani pikkorissaanerit qassiussanersut, aammalu ingerlataqarnerit qanoq aaqqissuunneqassanersut. Naalakkersuisut aamma tapersiissutinik tunniussinissamut atugassarititaasunik aalajangersaasinnaapput.

Nr. 3-imut

Aalajangersagaq malillugu Naalakkersuisut §§ 5 aamma 5 a malillugit tapersiissuteqartarnernik allaffissornikkut aqtsinissaq pillugu ingerlatseqatigiiffimmik allaffissornermik ingerlataqartumik imaluunniit kommunalbestyrelsirut ataasiakkaanut isumaqatigiissuteqarsinnaapput.

Taassuminnga allaffissornikkut aqtsineq ilaatigut siunnersuut manna aammalu maleduagassat atugassarititaasullu Naalakkersuisut aalajangersagaat tunngavigalugit pisussaassaaq.

Suleriaaseq tassaavoq tapersiissutinut aaqqissuussanut tunngatillugu suliassanik suliariinninnermik suliaqarneq ingerlatseqatigiiffimmit allaffissornermik suliaqartumit

isumagineqartoq. Ingerlatseqatigiiffik allaffissorermik suliaqartoq, qinnuteqaatinut nalunaarusiorernullu tunngatillugu taakkunani ullumikkut toqqaannartumik qinnuteqartunut attaveqartooreerpoq ilitsersuussisartooreerlunilu. Taamaattumik ingerlatseqatigiiffik allaffissorermik suliaqartoq taanna tapersissutinut aaqqissuussanik isumaginnittuusoq, aamma aallarnisaasunik ineriertortitsinermik ingerlataqarnernik isumaginnittunngussappat, piissusissamisuussaaq.

§ 2-imut

Siunnersuutigineqarpoq inatsit ulloq 1. juuni 2016 atuutilissasoq.